



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ  
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ.

N

9/4595

< 07 > 12

2021թ.

**Աջոյան Հարությունին**

Հասցե՝ ք.Երևան, Նոր Խարբերդ 9 փ 28 ավտ.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված թիվ 8180045235 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առդիր՝ <<2>> թերթ:

**Պետի տեղակալ,  
ոստիկանության գնդապետ՝**

**Ա. Մաթևոսյան**

Կատ. Հ.Հարությունյան  
010-30-42-02

## Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 03.11.2021թ-ին կայացված թիվ 8180045235 որոշումը բեկանելու և վարչական իրավախախտման վերաբերյալ գործի վարույթը կարճելու մասին

« 07 » 12 2021թ.

ք.Երևան

ՀՀ ոստիկանության պարեկային ծառայության պետի տեղակալ, ոստիկանության գնդապետ Ա. Մաթևոսյանս, վերանայելով Հարություն Աջոյանի դիմումի քննարկման արդյունքում ստեղծված նյութերը,

## Պ Ա Ր Զ Ե Ց Ի

03.11.2021թ.-ին՝ ժամը 03:29-ի սահմաններում, Երևան քաղաքի Էրեբունի փողոցում քաղաքացի Հարություն Աջոյանի վարած «Օպել» մակնիշի 360R164 հաշվառման համարանիշի տրանսպորտային միջոցի վերաբերյալ գործող ԱՊՊԱ պայմանագիր չունենալու փաստը արտացոլվել է ՃՈ Էլեկտրոնային ռեգիստրում (իրավական հիմք՝ ՀՀ կառավարության թիվ 1251-Ն որոշում), ինչի հետևանքով կանգնեցվել է պարեկային ծառայության 3-րդ գումարտակի 2-րդ վաշտի պարեկ Վլադիմիր Դերձյանի կողմից:

Վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի (այսուհետ՝ ՎԻՎՕ) 129.2-րդ հոդվածի 2-րդ մասի համաձայն՝ կայացվել է թիվ 8180045235 որոշումը՝ վերջինիս 100.000 ՀՀ դրամի չափով տուգանելու մասին:

Երևան քաղաքի Նոր Խարբերդի 9փ 28 բնակիչ Հարություն Աջոյանը դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 03.11.2021թ. կայացված 8180045235 որոշումը՝ նշելով, որ իր տրանսպորտային միջոցը եղել է ապահովագրված: Դիմումին կից ներկայացրել է <<Նաիրի>> ԱՓԲԸ-ի հետ կնքված N SL928587 վկայագիրը, համաձայն որի պայմանագրի ժամկետի սկիզբը հանդիսանում է 25.10.2021թ. ժամը 12:43 րոպեն, իսկ ավարտը՝ 25.01.2022թ-ը:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 03.11.2021թ. կայացված թիվ 8180045235 որոշումը ենթակա է բեկանման հետևյալ պատճառաբանությամբ.

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և

գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

ՎԻՎՕ-ի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Պարեկային ծառայողների կողմից տրված պարզաբանման համաձայն՝ քաղաքացի Հարություն Աշոյանի կողմից տրանսպորտային միջոցն առանց գործող ԱՊՊԱ պայմանագիր վարելու փաստը արտացոլվել է ՃՈ էլեկտրոնային ռեգիստրում, որի արդյունքում էլ կայացվել է համապատասխան որոշումը:

Քաղաքացու դիմումի հիման վրա հարուցված վարչական վարույթի շրջանակում պարզվել է, որ 03.11.2021 թվականին՝ ժամը 03:29-ի սահմաններում, տրանսպորտային միջոցը ունեցել է գործող ԱՊՊԱ պայմանագիր (հիմք՝ Հայաստանի ապահովագրական ընկերությունների ավտոապահովագրական «ASWA» էլեկտրոնային կայքէջի և ՃՈ էլեկտրոնային ռեգիստրի արտացոլված տվյալները), սակայն նշված փաստը իրավախախտման արձանագրման պահին ՃՈ էլեկտրոնային ռեգիստրում չի արտացոլվել:

Այսպիսով, դիմումատուի արարքում բացակայում է ՎԻՎՕ-ի 129.2-րդ հոդվածի 2-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

### Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 03.11.2021թ. կայացված թիվ 8180045235 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Հարություն Աշոյանին և պարեկային ծառայության Երևան քաղաքի գունդ:

Պետի, տեղակալ  
նստիկանության գնդապետ՝



Ա. Մաթևոսյան